



御選金詩卷第十九目錄

七言絕句二

孟宗獻二首

趙攄一首

高有鄰一首

許安仁四首

党懷英十四首

李獻可二首

趙承元一首

劉迎四首

孫鐸一首

御選金詩

卷十九目錄

王庭堅一首

王庭筠十八首

王萬慶一首

王明伯一首

趙之傑二首

趙鼎一首


毛麾一首

張行簡三首

張行中一首

趙颯六首

路鐸六首



劉昂十首

周昂二十一首

王礪八首

楊邦基一首

蕭貢十二首

李仲略二首

宗端脩一首

趙秉文四十五首

史公奕一首

朱瀾二首

張穀一首

御選金詩

卷十九
目錄

張翰二首

呂子羽一首

御選金詩卷第十九

七言絕句二

孟宗獻

柳塘

搖搖風影上寒塘靜裏亭臺日月長不似隋家堤岸上
亂鴉殘照管興亡

蘇門花塢

繞舍雲山慰眼新看花差後洛陽塵從君小築繁香塢
不負長腰玉粒春

趙攄

早赴北宮

御選金詩

卷十九

孟宗獻

趙攄

高有鄰

一

蒼龍雙闕鬱層雲湖水鱗鱗柳色新絕似江行看清曉
不知身是越朝人

高有鄰

絕句

事去君王不奈何荒墳三尺馬嵬坡歸來枉爲香囊泣
不道銀河淚更多

許安仁

望少室

名山都不見真形萬仞盤盤入杳冥安得雲間騎白鶴
下看三十六峰青

送二道者歸汾州

介休山下兩閒人來訪汾陽舊使君明日却歸塵外去
一雙白鶴上青雲

少室道中

少室峰頭曉月沈千家城郭淡陰陰五更雞唱殘星滅
馬上看山過少林

遊泰安竹林

蕭寺天教勝處安峰巒騰擲水雲閒客來總說遊山好
不道山僧却厭山

党懷英

立春

水結東溪凍未漪風凌枯木怒猶威不知春力來多少

御選金詩

卷九

詩安仁

党懷英

二

便有青蠅負暖飛

端午日照道中

幾年客舍逢端午今日東行復海隅三歲已無平老艾
一杯聊作辟愁符

睡覺門外月色如晝霜風過蓼然成聲作一絕

老木經霜衆竅空月明深夜響秋風始知天籟非人籟
吹萬由來果不同

題馬賁畫瀟湘圖

雙眠雙浴水平溪共看秋光臥兩堤誰信瀟湘有孤鴈
冷沙寒葦不成棲

和元卿郊行

馬駛車驅起路塵
傍山陰翳作春溫
東風欲放萌芽動
已有疲牛鬻燒痕

駒山道中

三年三到水雲鄉
瘦馬凌兢怯路長
野雪未乾春未雨
落鶯飛起暗塵黃

吳歌楚語海山間
織葦苧菰便自安
已作稻塍猶未種
小溝流澀水車乾

海路東南萬壑傾
青山孤起壓重城
驛亭春半餘寒雪
牆角無人草自生

白莊道中

暖風遲日弄春晴
渾似龍眠晝裏行
沙路半隨堤尾曲

御選金詩

卷九

党懷英

三

幾家桃李鶉鴉鳴

花品

翠裙襞積破黃薇
新樣丁香結玉蕤
最愛東風木芍藥
淡紅深紫兩相宜

上皇書扇後

便面團圞字點鴉
天風吹隋委塵沙
燕泥庭草爭工拙
何似當年陌上花

漁村詩話圖

江村清境皆畫本
畫裏更傳詩語工
漁父自醒還自醉
不知身在畫圖中

曉雲次子端韻

灤溪經雨浪生花
曉碧翻光漾
曉霞川上風煙無定態
盡供新意與詩家

日照道中

路轉清溪樹蔚然
解鞍坐榻午陰圓
避人鷗鳥驚飛去
時有游魚弄柳綿

李獻可

清水寒食感懷

桃花零落柳成陰
人到春深思更深
芳草成樓天不盡
異鄉寒食故鄉心

召還過故關山

過關天日正晴明
誰道山神不世情
遠客得歸心緒別

御選金詩

卷九

党懷英

李獻可

趙承元

四

隴瀧間作斷腸聲

趙承元

探春

冰底流泉匹練飛
麴塵著柳不禁吹
杖藜恰到春生處
已有人家插酒旗

劉迎

歸來圖戲作

雲髻春風一尺高
笑攜兒女候歸橈
情知一首閒情賦
合為微官懶折腰

過關渡水圖

短車無復駕青牛
散策方來對白鷗
煙水從容許君獨

暫須分我一船秋

張萱戲嬰圖

犀顛玉頰寧馨子霧鬢雲鬟窈窕娘三十年前大門日
憶觀羣戲碧方牀

河橋

桃李香中八九家青旗高挂綠楊斜晚來風色渡頭急
滿地蕭蕭楊白花

孫鐸

癸亥清明日

儵然一室暗塵凝兀兀端如打坐僧習氣未除私自笑
短檠還對讀書燈

御選金詩

卷十九

劉迎
王庭筠

孫鐸

王庭堅

五

王庭堅

野菊

鬪雞臺下秋風裏白白黃黃無數花日暮城南城北道
半隨榛棘上樵車

王庭筠

曲水亭

山陰禊事記蘭亭珠玉琳琅照眼明曲水至今無好客
一觴還自契幽情

八月十五日過泥河見鴈

家在孤雲落照間行人已上鴈門關憑君為報平安信
才是雲中第一山

大安寺試院中寒食

東風日日漲黃沙
供佛牀頭始見花
寒食清明好時節
年年憔悴獨離家

獄中見燕

笑我迂疎觸禍機
嗟君底事入圜扉
落花吹濕東風雨
何處茅簷不可飛

借樂亭

日暮西風吹竹枝
天寒杖屨獨來時
門前流水清如鏡
照我星星兩鬢絲

野堂二首

綠李黃梅繞屋疎
秋眠不著鳥相呼
雨聲偏向竹間好
御選金詩

卷九

王庭筠

六

山色漸從煙際無

雲自知歸鳥自還
一堂足了一生閒
門前剥啄定佳客
簷外孱顏皆好山

韓陵道中

石頭犖确兩坡間
不記秋來幾往還
日暮蹇驢鞭不動
天教仔細數前山

夏日

西窗近事香如夢
北客窮愁日抵年
花影未斜猫睡外
槐枝猶顫鵲飛邊

送子貞兄歸遼陽

青峭江邊立數峰
煙梳雨沐為誰容
到門為向山靈道

歸意如君一倍濃
微行入麥去斜斜才過深林又幾家一色生紅三十里
際山多少石榴花

夏日

檀欒倒影硯波清注了黃庭譜鶴銘且喜過門無櫛櫨
却憐浣壁有寧馨

劉賓客詩寧字平聲呼

河陰道中

梨葉成陰杏子青榴花相映可憐生林深不見人家住
道上唯聞打麥聲

題林慮

帝遣名山護此邦千家瑟瑟嵌西窗山僧乞與山前地
御選金詩

卷十九

王庭筠

七

招客先開三十雙

題黃華四首

挂鏡臺西挂玉龍半山飛雪舞天風寒雲直上三千尺
人道高歡避暑宮

道人解后一開顏為借筇杖策我孱幽鳥留人還小住
晚風吹破水中山

手拄一條青竹杖真成日挂百錢遊夕陽欲下山更好
深林無人不可留

王母祠東古佛堂人傳棟宇是隋唐年深寺廢無人住
滿谷西風栗葉黃

王萬慶

歲寒三友圖

黃華山中夜氣清月明風定聞吹笙梅花開向竹松裏
雪香零亂墨光生

王明伯

偶題

釣鰲公子鐵心曾與在三山碧海東千尺雲帆已高揭
不知何日得秋風

趙之傑

許道寧羣峰暮雪

道士平生林野人醉中拈出雪峰真為君療却煙霞癖
比似青囊藥更神

御選金詩

卷十九

王萬慶

王明伯

趙之傑

八

題濟源龍潭寺

樹圍脩竹竹圍庵蒼下泓然碧一潭極目荷花半秋色
小橫圖上看江南

趙鼎

宿來同堡

渭北洮南過却春窮邊冰雪更愁人來同驛裏題詩處
破屋青燈一病身

毛麾

無題

小壘對起石州山楊柳分青入髻鬢乍識春風眼如鶻
為誰無語獨凭闌

張行簡

六月二十九日北宮朝回

疎柳衰荷又一時清波飛葉夢靈芝年年踏盡溪邊路
不覺吳霜點鬢絲

酬郭光秀才

疇昔君來事已睽豈知今我又羈棲波臣倘不辭升斗
鵝卵終當遇魯雞

題子端雪溪小隱圖

出處皆天豈自由仙標終合冠鼇頭不妨貌取黃華景
時向鈴齋作臥游

張行中

御選金詩

卷九

張行簡

張行中

趙夙

九

右丞文獻公所畫張果像

古來人物畫為難驚見仙公樹石間莫把丹青名右相
太平勲業在人寰

趙夙

晚宿山寺

松門明月佛前燈菴在孤雲最上層犬吠一聲秋意靜
敲門時有夜歸僧

和茂才韻

十年為客未還家贏得參參兩鬢華別後故人應念我
不來踏雪看梅花

留題西溪三絕

誰開玉鑑瀉天光占斷人間六月涼日落沙禽還未散
也知受用藕花香

波光湛碧冷無痕眇眇輕風起縠紋認得朝來疎雨過
却因水底見飛雲

總道西溪畫不如豈知造物用工夫蟾光忽作靈犀透
表裏通明兩玉壺

寓居寫懷

平陸溫風雪半消孤煙籬落隔溪橋
趁虛人去林臯靜
時有晚鴉銜隋樵

路鐸

細香軒三首

御選金詩

卷一九

趙風

路鐸

一

花氣爐煙總不同
嘒香噴翠小窗風
中邊故嗅渾無有
心跡相忘忽暗通

閣雨含風戶牖涼
聞機纔發興何長
無心孤竹那能尔
自是詩人知見香

霜雪青青玉一叢
肯從桃李借薰醲
不知香界何從立
憑仗清風問籀龍

華清

聲華小陸自雲間
疇昔聯鑣到此山
痛憶青溪對牀夜
臥聽虛壑瀉潺湲

年來萬事總灰心
但看清泉與茂林
山樂聊須攜往賞
肩輿同入翠微深

夜夢故妻說身後為護蘭童子住翡翠菴作詩
紀之

翡翠菴前花草香護蘭童子淡雲妝宿緣却了三生債
不道未歸人斷腸

劉昂

醉後

禪僧歡讀傳燈錄道士教行進火功今日興來俱破戒
黃花籬落醉西風

山中雨

嵩高山下逢秋雨破繖遮頭過野橋此景此時誰會得
清如窗下聽芭蕉

御選金詩

卷十九

路鐸

劉昂

二

客亭

折盡官橋楊柳枝春風依舊綠絲絲啼鶯為向行人道
離別何時是盡時

贈張秦娥

遠山句好畫難成柳眼才多總是情今日衰顏人不識
倚爐空聽煮茶聲

二頃山田半欲蕪子孫零落一身孤寒窗昨夜蕭蕭雨
紅日花梢入夢無

即事

雨洗明河畫扇收胡牀露冷藥闌秋牆陰未得中庭月
一點螢光草際流

山花山雨相兼落，溪水溪雲一樣閒。
野店無人問春事，酒旗風外鳥關關。

歌風臺

劉項興亡轉燭過，亂蟬吟破漢山河。
長陵臥老咸陽月，沛上猶傳擊筑歌。

王官谷二首

潛溪時照塵埃客，微雨不遮天柱峰。
斜日落花人去盡，澹煙樓閣數聲鐘。
簿書期會敢遷延，暫爾城樓借榻眠。
咫尺王官未能去，俗緣妨我愛山緣。

周昂

御選金詩

卷九

劉昂 周昂

十一

送李天英下第

不須寂莫恨東歸，洗眼三年看一飛。
試捲波瀾入毫穎，莫教歐九識劉幾。

宋文貞公廟

開元四荒不動塵，柱石中原有老臣。
襄土一丘松柏暗，長安三日荔支新。

讀陳後山詩

子美神功接混茫，人間無路可升堂。
一斑管內時時見，賺得陳郎兩鬢蒼。

偶書

幽陰不放終年樹，好味仍餘盡日茶。
詩業未降心有種

世緣初盡眼無花

失子

白髮飄蕭老病身幾因兒女淚沾巾
虛談誤世王夷甫
只有情鍾語最真

西城道中

草路幽香不動塵細蟬初向葉間聞
溟濛小雨來無際
雲與青山淡不分

醉經齋為虞鄉麻長官賦

詩書讀破自融神不羨雲安麴米春
黃卷至今真味在
莫將糟粕待前人

孫資深歲寒堂

御選金詩

卷十九

周昂

十三

世態浮雲日夜移春蘭秋菊各爭時
此心鐵石無人會
惟有庭前柏樹知

晚望

煙抹平林水退沙碧山西畔夕陽家
無人解得詩中意
只有雲邊數點鴉

有感

壯心未分逐流年衰鬢從渠衆自憐
却恨詩情消滅盡
語言枯淡到中邊

即事二首

不堪華髮半頭生老去偏添愛
嫫情新得家書來報喜
舊時龜子遶牀行

一牀安置似僧居白髮忘梳動月餘懶性漸成愁把筆
小詩常擬倩人書

春日即事

凍柳僵榆未改容狐裘貂帽尚宜風欲尋把酒渾無處
春在鳴鳩谷谷中

即事二首

南苑霓旌動繚牆天街蓮燭照脩廊斗南絳氣風吹盡
小雨濛濛濕建章

楊花顛倒入簾櫳睡鴨香殘碧霧空盡日尋詩尋不得
鶉鴣聲在夢魂中

代書寄大元伯

御選金詩

卷十九

周昂

十四

南園臘蟻記同傾一紙書來萬里情日夜愁心隨柳色
東風吹滿大梁城

正月大風雨

風如渤海勢凌虛寒破貂裘力尚餘不是化工難倚賴
也知青帝有驅除

靳子溫款春亭

曾數花鬚傍藥闌春風不到酒杯寬自憐白首荒三徑
桃李年年檐上看

寒林七賢

苦寒如此欲何之雪帽風裘意自奇縱有清詩三百首
未應肯得党家兒

魯直墨跡

詩健如提十萬兵東坡真欲避時名須知筆墨渾閒事
猶與先生抵死爭

讀柳詩

功名翕忽負初心行和騷人澤畔吟開卷未終還復掩
世間無此最悲音

王礪

寓居南村

朝來出門無所適野徑雨晴沙不泥鼓笛誰家賽春社
杖藜隨過柘岡西

雜詩

御選金詩

卷九

周昂

王礪

十五

陰陰綠樹暗庭除散盡鳴禽靜有餘獨對爐薰坐終日
會心惟有漆園書

瓦爐柏子細煙消閒讀禪經破寂寥風細月高人已靜
隔窗疎竹夜蕭蕭

晴日南溪物色饒草芽新綠凍全消金絲柳底洲沙沒
數尺流波拍野橋

南畝東臯春務時田家候雨罷耕犁却汲井泉澆藥圃
更疏陂水灌麻畦

竹繞沙村水漫流鳩鵲鷓鴣對沉浮一竿便擬從漁父
卷置琴書買釣舟

屋頭叢木撼蒼煙風卷飛花到枕邊南寺有僧來問字

打門驚覺午窗眠

漢梁王苑古臺西秋思紛紛獨杖藜雲壓高城鴈飛盡
一聲寒角夕陽低

楊邦基

墨梅

粉蝶如知合斷魂啼粧先自怨黃昏花光筆底春風老
寂寞嶺南煙雨痕

蕭貢

渭南縣齋秋雨

穴牀撐拄小窗前一點青燈照不眠簷溜琤淙風浙瀝
嫩涼如水夜如年

御選金詩

卷九

王礪

楊邦基

蕭貢

六

自感

形骸付與甄陶外禍福難防倚伏前孔雀若知牛有角
應須忍渴過寒泉

荒田擬白樂天

荒田幾歲闕人耕欲種糜蕎趁晚晴急手剪除荆與棘
一科才了十科生

楊侯畫晉公臨江賞梅樂天與烏窠禪師汎舟
談元不顧而去戲為一絕以代晉公招樂天同

飲云

明粧冷蕊兩清新面纈浮光數爵頻
拭風前寒鼻液快來同醉雪中春

真容院

魔宮佛界等空虛此理何曾屬有無直向臺山始相見
可中還有二文殊

讀火山瑩禪師詩卷

長短都歸一夢中身前後兩無窮李愷信士今如在
定向江湖訪澤公

陳宮詞

三閣花深白晝迷酒催狎客賦宮詞管絃散落春風外
一曲金釵兩鬢垂

竒嵐

竒嵐地勢橫三汊河朔城墉挂一箕紫塞高連寒日短

御選金詩

卷十九

蕭貢

十七

黃榆落盡長年悲

按部道中二首

窟野河津水沒腰管岑官路雪封條一年樂事能多少
強半光陰馬上消

寒城睥睨插山隅秋半霜風塞草枯月轉樵樓天未曉
角聲吹徹小單于

日觀峰

半夜東風攪鄧林三山銀闕杳沉沉洪波萬里兼天湧
一點金烏出海心

後趙

擬倫人物指高光可笑裊雛不自量正使成名皆豎子

英雄也未到君行

李仲略

嗅梅圖

朧朧霽色冷黃昏
缺月疎籬水外村
人在天涯花在手
一枝香雪寄銷魂

蓮塘陪諸公賦

潦倒何堪接俊遊
神仙空羨李膺舟
官曹只在空湖畔
簿領如山屋打頭

省幕在城外
極卑陋故云

宗端脩

漫書

冷面宜教冷眼看
只慙索米向長安
陰崖何限枯松樹
御選金詩

卷十九

蕭貢 李仲略
趙秉文

宗端脩

六

望見屏幃盡牡丹

趙秉文

春遊三首

無數飛花送小舟
蜻蜓款立釣絲頭
一溪春水關何事
皺作風前萬疊愁

樹藏脩竹竹藏門
門外清流幾股分行過
小橋人不見
背陰花氣隔牆聞

煙外絲絲風柳斜
春光也自到天涯
太平有象村村酒
寒食無家處處花

暮歸

貪看孤鳥入重雲
不覺青林雨氣昏
行過斷橋沙路黑

忽從電影得前村

清居寺五杉亭觀子野留題

五杉今日只三株曾是詩人歎息餘君去我來杉尚在
斷腸君沒見君書

倣嚴武臨邊

少年騎馬耳生風老去羞無汗馬功落日秋風心尚壯
令人回首望雲中

和韋蘇州荅中山道士

行轉清溪又別峰馬蹄終日認樵蹤翠微深處無人住
寺在深山何處鐘

馬邑

御選金詩

卷九 趙秉文

九

天外亂山圍曠野水邊孤塔背層城馬頭才指桑乾路
愁見行人問去程

雞鳴山

煙蒸山腹晴猶濕河帶冰漸暖漸流獨上雞鳴看日出
五雲多處是皇州

盧溝

河分橋柱如瓜蔓路入都門似犬牙落日盧溝溝上柳
送人幾度出京華

北都小雪

邊城小雪試年華煙冷貔貅十萬家探使不來人半醉
將軍氈帳草平沙

雨晴二首

東風時送瓦溝聲，欹枕幽窗夢自驚。
睡起不知雲已散，夕陽偏向柳梢明。
一抹平林媚夕暉，山煙漠漠燕飛飛。
倚闌遙認天邊電，何處行人帶雨歸。

和舜元雜詩

瘦馬龍鍾兩鬢華，敲門避雨野人家。
門前籬落猶懸露，十里晚風吹斷霞。
三五殘星闕角東，澹黃楊柳月中明。
中貪看稚子收殘葉，駐馬天街滿袖風。

撫州

御選金詩

卷九 趙秉文

二

蕭寺金風動刹竿，西城北斗挂闌干。
一蟲不響夜更靜，片月未高山已寒。
燕賜城邊春草生，野狐嶺上斷人行。
沙平草遠望不盡，日暮惟有牛羊聲。

北苑寓直

柳外官牆粉一圍，飛塵照面捲斜暉。
蕭蕭幾點蓮塘雨，曾上詩人下直衣。

寓望

蒲根閣閣亂蛙鳴，點水楊花半白青。
隔岸風來聞鼓吹，柳陰深處有園亭。

戴花

病來杯酒懶重持強爲花殘折一枝人老易悲花易落
東風休近鬢邊吹

玉堂

玉堂陰合冷窗紗雨過銀泥引篆蝸萱草戎葵俱不見
蜂聲滿院採槐花

夏直

玉堂睡起苦思茶別院銅輪碾露芽紅日轉堦簾影薄
一雙蝴蝶上葵花

湧雲樓雨

片雲頭上一聲雷欲到冠山風引迴宵外忽傳林葉響
坐看飛雨入樓來

御選金詩

卷九 趙秉文

三

簾雨風斜不上鉤闌干吹濕怕人愁雷聲驅雨東山去
指下斜陽恰半樓

中秋日郊外遇雨

斜風吹雨水生寒荷蓋傾珠下芡盤驚起鷺鷥眠不得
衝煙飛過蓼花灘

華山

石頭犖确水縱橫過兩山間草屨輕未到上方先滿意
倚天青壁看雲生

濟源四絕

歌管年年樂太平而今鉦鼓替歡聲裴公祠下無窮水
好乞餘波爲洗兵

祠前繚繞無窮水竹杪參差不盡山極目水窮山盡處
天壇猶在白雲間

樹映樓臺水映空溪容林意兩溶溶夏山如醉無人畫
遠處微茫近處濃

纚纚雲木曉相參寺枕龍蟠十頃潭一徑通幽竹深處
居人似指侍中菴

雨晴

一春不雨漫塵黃碧瓦朝來泛霽光留得紫葳花下露
幾招渴燕下雕梁

蟬

薄薄秋雲兩翼輕淤泥脫迹更恢聲可能枵腹涼陰底

御選金詩

卷九

趙秉文

三

受盡人間風露清

即事

樓頭不見暮山重遙認青林雨意濃一陣風來忽吹散
斷雲還補兩三峰

金水河

金水河邊駐馬時熙春閣外夕陽微舊時同樂園前水
曾照寒鴉幾度歸

晚登太史臺

雲鏤殘陽一綫金西風吹雨破層陰歸鴉時有紅翻背
返照依依在遠林

市橋落日與波平返照前灣別舸明不覺城頭來暝色

回看天際暮煙生

同樂園二首

春歸空苑不成妍
柳影毵毵水底天
過却清明遊客少
晚風吹動釣魚船
石作垣牆竹映門
水回山複幾桃源
毛飄水面知鵝柵
角出牆頭認鹿園

載梅

滿車飽載梅花共
車聲幽幽不成弄
月落參橫畫角哀
橫眠正作梅花夢

遊崆峒四絕

西鄰烏鼠北朝那
涇水東流入大河
一上參雲亭上望
御選金詩

卷十九

趙秉文

三

山川滿目夕陽多

金湯形勝滿秦中
戰鼓驚飛北塞鴻
爲向崆峒山試道
可能高枕聽松風

斷碑零落任苔封
想像當時問道宮
煙鎖洞天三十六
時人空禮白雲中

萬松聲裏暮濤寒
盡在參雲一望間
只欠懸流二千尺
天風吹下翠屏山

繫舟山圖

裕之先大夫嘗居此山之東巖

山頭佛屋五三間
山勢相連石嶺關
名字不經從我改
便稱元子讀書山

虎牢

兩崖峽束枕洪濤自古英雄爭虎牢蒼天胡爲設此險
長使戰骨如山高

史公奕

李鴈門

天下三分二屬梁區區獨木欲支唐錦囊三矢傳遺恨
不救朱三著赧黃

朱瀾

黃筌雀蝶

飢雀喧爭蛺蝶孤錦城宮闕見丘墟老筌妙意誰知解
丹粉圖中有諫書

宮詞

御選金詩

卷十九

史公奕

朱瀾

張穀

張翰

十五

太一芙蓉上下天秋波澹澹白生煙採蓮宮女分花了
笑把蘭篙學刺船

張穀

石淙

天后離宮在崑山曲河即東坡爲韓子華賦詩處也

潁水洗餘高士耳是非猶恐汚人牛區區武媚何爲者
水上磨崖紀宴游

張翰

奉使高麗過平州館

昨日龍泉已自奇一峰寒翠壓簷低兼并未似平州館
屋上層巒屋下溪

金郊驛

山館蕭然爾許清
二更枕簟覺秋生
西窗大好吟詩處
聽了松聲又雨聲

呂子羽

李白醉歸圖

春風醉袖玉山頽
落魄魄長安酒肆迴
忙煞中官尋不得
沉香亭北牡丹開

御選金詩卷第十九

御選金詩

卷十九

呂子羽

五

御選金詩卷第二十目錄

七言絕句三

酈權七首

景覃一首

段繼昌五首

靖天民一首

王去非一首

李適二首

劉濤一首

李好復一首

楊雲翼六首

御選金詩

卷二十

目錄

劉中一首

龐鑄八首

陳規一首

王擴一首

趙伯成二首

趙思文一首

張建一首

王世賞二首

李純甫八首

閻長言四首

馮璧五首

王若虛二十四首

范中二首

盧洵一首

刁白一首

許古二首

王良臣六首

劉祖謙三首

劉鐸四首

王或二首

董文甫四首

史肅四首

御選金詩

卷三

目錄

元德明十一首

郝天挺一首

高憲一首

王特起四首

劉光謙一首

孫鎮一首

趙元九首

張瓚一首

呂中孚六首

王元節二首

李端甫一首

張著三首

李解四首

王中立四首

孫錡一首

金全一首

劉仲游一首

劉方叔一首

雷發一首

御選金詩

卷三

目錄

三

御選金詩卷第二十

七言絕句三

酈權

聞砧

玉關消息到長安處處砧聲搗夜闌想得月殘哀響斷
一燈清淚剪刀寒

夷門遣懷

梁園花木豔精神盡屬東風點綴人雪壓老梅香不起
問君消得幾多春

慈恩塔

慈恩石刻半公卿時遇聞人爲指名龍虎榜中休著眼

御選金詩

卷三

酈權

一篇俚賦誤平生

濟源廟海子內有二黿人以將軍目之投餅餌

則至

我欲然犀起蟄雷謾誇海蘼紙錢灰將軍不是池中物
也爲區區餅餌來

裴公亭

十里蓮塘際碧山入潭無數竹根泉詩狂欲灑亭間壁
却媿文公與樂天

郊行二首

十里脩篁翠拂天青田漠漠水濺濺高林忽斷驚回首
不覺奇峰墮眼前

溪橋納納馬蹄輕竹裏人家犬吠聲行盡灘光溪路黑
隔林燈火夜深明

景覃

感事

蘭芳切禁當門種李苦何傷並道生自古英雄足猜忌
莫教身外有浮名

段繼昌

梨花

一林輕素媚春光透骨濃薰百和香消得太真吹玉笛
小庭人散月如霜

一溪

御選金詩

卷三

景覃

段繼昌

靖天民

二

一溪流走青蛇春在江邊漁父家竹外寒梅看欲盡
清香移入小桃花

春早二首

魚兒水沉鴨頭綠野馬塵飛羊角風西崦山家籬落背
杏梢初見一分紅

斷冰銷盡荻芽尖凍壠蘇來白薺添幾片野雲飛不去
晚風吹作雨纖纖

讀紀信傳

鹿走中原兩虎爭滎陽圍解事堪驚當時拔劔論功者
矢口何人說紀生

靖天民

西子放瓢圖

髻鬟蕭颯苧蘿秋，千古香溪水自流。
吳越兵爭竟何得，風流輸與五湖舟。

王去非

題左丘明墓

寺壓孤墳墳已摧，墳前松柏亦凋衰。
未能遷寺還封樹，每到覩君一淚垂。

李適

獅子峰

解脫眼光三界靜，端公伎倆一時休。
雲開正使金毛現，子細看來是石頭。

御選金詩

卷二

王去非
李好復

李適

劉濤

三

送窮

昔年曾作送窮詩，結柳齋糧擬退之。
送去還來還復語，君家猶有讀書兒。

劉濤

戲用前人語題天平別墅

表聖當年絹五千，休休亭下買林泉。
黃華面目君還見，天柱峰高不直錢。

李好復

邵智夫同游南城

園林晴晝蔚如煙，林外支流盡水田。
落日趁墟人已散，鷺鷥飛上渡頭船。

楊雲翼

陽春門堤上

薄薄晴雲漏日高
雪消土脉潤如膏
東風可是多才思
先送輕黃到柳梢

聞韶圖

千古神交寄至音
聞韶想見聖人心
容聲便落笙蹄外
後學休從肉味尋

蔡村道中

水連深竹竹連沙
村落蕭蕭已暮鴉
行盡畫圖三十里
青山影裏見人家

戴嵩畫牛

御選金詩

卷二

楊雲翼

劉中

四

春草原頭雨濕煙
夕陽渡口水吞天
披圖坐我風蓑底
一夢長林二十年

雙成寺中登樓

雲意生陰晚不收
西風疎雨一江秋
畫圖忽上闌干角
隱隱平灣轉釣舟

閒閒公為上清宮道士寫經并以所養鷺羣付之諸公有詩某亦同作

會稽筆法老無塵
今代閒閒是後身
只有愛鷺緣已盡
舉羣還付向來人

劉中

龍門石佛

鑿破蒼崖已失真又添行客眼中塵請君看取他山石
不費工夫總法身

龐鑄

夏日

富國才疎合自羞清時無補但優游只知錢向紙中裹
不信能教地上流

花下

香滿西園曉雨微萬紅千翠自高低若爲常作莊周夢
飛向幽芳鬧處棲

未開牡丹

國香半吐醉顏酡炫耀春工已自多愛惜不教催羯鼓
更澆卯酒看如何

御選金詩

卷二 龐鑄

五

山行絕句

四面雲山玉作圍一川霜樹錦爲衣翩翩數騎南岡下
傅粉王孫射鹿歸

墨竹三首

隔溪煙雨

一溪流水玉涓涓溪上脩篁接暮煙誰倩能詩文與可
筆端移得小江天

秋風驟雨

瀾川急雨暗秋空無限琅玕澹墨中劒甲縱縱軍十萬
欲將貔虎戰斜風

春雷起蟄

千梢萬葉玉玲瓏
枯槁叢邊綠轉濃
待得春雷驚蟄起
此中應有葛陂龍

夷齊墓

絕粒當年恥化周
死於仁義更何求
首陽山下兩丘土
能使當年釣石羞

陳規

過驪山

豐鎬無由問故基
三章止見黍離詩
而今多少華清石
都與行人刻豔辭

王擴

御選金詩

卷二

龐鑄

陳規

王擴

趙伯成

六

題神霄宮清心軒

紛紛百慮自心生
方寸清來百慮平
未了此心私自笑
更憂時世欲澄清

趙伯成

蠟梅

凍蕾含香蠟點勻
古來幽谷有佳人
詩家只怨和羹晚
不道紅梅別是春

冷豔疎香寂寞濱
欲持何物向時人
東風自是清狂手
辦作竹籬茅舍春

趙思文

侯相浪溪歲寒堂

靜中臺榭隔紅塵水色山光日日新不用沿溪種松竹
主人元是歲寒人

張建

山村風雨圖

雨昏山店望未見風緊傘簷張不開莫訝披圖便成句
爲曾行到此中來

王世賞

探梅

候得南枝破玉腮心顏今日爲君開細看苔逕無行跡
先賞應輸我獨來

稱善齋

御選金詩

卷二

張建

王世賞

李純甫

七

宦途馳逐只堪羞何意須封萬戶侯平日少游真可念
絕勝辛苦駐壺頭

李純甫

孫卿子

諸儒談性盡歸情誰信黃河徹底清未到崑崙源上見
且休容易小荀卿

謝安石

阿堅休道不英雄兒輩俄成蓋世功屐齒折時渠自省
至今人解笑桓冲

魏徵

健兒搖足據山東李氏家居大半空貞觀力排封建議

魏徵元只是田公

老蘇

宋季人憂大瓠穿敢留金幣不輸邊權書更信蘇家策
剩費青苗幾倍錢

子端山水同裕之賦

遼鶴歸來萬事空人間無地著詩翁只留海岳樓中景
長在經營慘淡中

馬圖同裕之賦

韓筆定襄霍
益之家物

天馬飛來不苦難雲屯萬騎開元間太平有象韓生筆
曾見真龍如此閒

劉宋

御選金詩

卷二

李純甫

閻長言

八

六十衰翁血打圍深山赤手搏熊羆子孫只解相魚肉
辛苦知他爲阿誰

燕子

一別天涯十見春重來白髮一番新心知話盡春愁處
相對依依如故人

閻長言

送麗酒麗橙與秀實御史

驄馬朝回畫閣深遙知春意領梅心麗橙嬌軟麗尊小
聊助風流對淺斟

閻立本職貢圖

諤諤昌周此一書形容藝貢寫成圖寧知右相無深意

莫指丹青便厚誣

盤山招隱圖

畫出中盤望隱歸鳴珂朝馬尚遲遲賦詩未敢輕相誚
却恐吾山也勒移

三門集津圖

津門未爲天下險勿作駭相觀茲圖偃月堂中李林甫
有人能寫此心無

馮辟

送人出使

陽春有脚蘇疲瘵水鏡無心照潔汙九道澄清天意切
人才一一似君無

御選金詩

卷二

閻長言 馮辟

九

習池醉歸圖

襄漢方屯十萬兵習池日往不曾醒紛紛悞晉皆渠輩
何獨王家一寧馨

東坡海南烹茶圖

講筵分賜密雲龍春夢分明覺亦空地惡九鑽黎洞火
天游兩腋玉川風

陰晦中忽見華山

吏部能開衡岳雲坡仙曾借海宮春蓮峰清曉忽自獻
二公何人予何人

草堂春暮橫披

遷客倚樓家萬里五陵飛鞚酒千金草堂澹與春山對

幽鳥一聲春已深

王若虛

復寄之純二首

志大言高與世違拂衣真作竹林歸黃塵道口風波惡
未必先生自處非

自笑趨塵亦強顏食謀未免敢言閒紫芝果可充飢腹
從子玉屏巖石間

感懷

枉却全家仰此身書生那是治生人百憂耿耿填胸臆
強作歡顏慰老親

自笑

御選金詩

卷二

王若虛

十

酒得數杯還已足詩過兩韻不能神何須豪逸攀時傑
我自世間隨分人

別家

到了身安是本圖何須身外覓浮虛誰能置我無飢地
却把微官乞與渠

慵夫自號

身世飄然一瞬間更將辛苦送朱顏時人莫笑慵夫拙
差比時人得少閒

題淵明歸去來圖五首

此下皆中
年所作

靖節迷途尚爾賒苦將覺悟向人誇此心若識真歸處
豈必田園始是家

孤雲出岫暮鴻飛去住悠然兩不疑我自欲歸歸便了
何須更說世相遺

拋却微官百自由應無一事挂心頭銷憂更藉琴書力
借問先生有底憂

得時草木竟欣榮頗爲行休惜此生乘化樂天知浪語
看君於世未忘情

名利醉心濃似酒貪夫袞袞死紅塵折腰不樂翻然去
此老猶爲千載人

還家五首

日日他鄉恨不歸歸來老淚更沾衣傷心何啻遼東鶴
不但人非物亦非

御選金詩

卷二

王若虛

十一

荒陂依約認田園松菊存亡不足論我自無心更懷土
不妨猶有未招蒐

山杏溪桃化棘榛舞臺歌榭隨灰塵春來底事堪行處
門外流鶯枉喚人

回思夢裏繁華事幸及當年樂此身閒立斜陽看兒戲
憐渠虛作太平人

艱危嘗盡鬢成絲轉覺誼諱不可期幾度哀歌仰天問
何如還我未生時

山谷於詩每與東坡相抗門人親黨遂有言文

首東坡論詩右山谷之語今之學者亦多以為

然漫賦四詩爲商略之云

絕足由來不可追汗流餘子費奔馳誰言直待南遷後
始是江西不幸時
信手拈來世已驚三江袞袞筆頭傾莫將險語誇勁敵
公自無心與物爭

戲論誰知出至公螭蟬信美恐生風奪胎換骨何多樣
都在先生一笑中

文章自得方爲貴衣鉢相傳豈是真已覺祖師低一著
紛紛嗣法更何人

王內翰子端詩近來陡覺無佳思縱有詩成似
樂天其小樂天甚矣漫賦三詩爲白傅解嘲

功夫費盡謾窮年病入膏肓豈易鑄寄語雪溪王處士

御選金詩

卷三

王若虛 范中

三

恐君猶是管窺天

東塗西抹鬪新妍時世梳粧亦可憐人物世衰如鼠尾
後生未可議前賢

妙理宜人入肺肝麻姑搔背豈勝鞭世間筆墨成何事
此老胸中自一天

宮女圍棋圖

盡日羊車不見過春來雨露向誰多爭機決勝元無事
永日消磨不奈何

范中

贈韶山退堂聰和尚

郎當舞袖少年場線索機關似郭郎今日棚前閒袖手

却從鼓笛看人忙

戲作

嚼蠟誰知味最長一杯卯酒地龍香年來紙價長安貴
不重新詩重藥方

盧洵

白溝

白沙清淺不容舟遼宋封疆限此溝到了山河無定主
碧波依舊只東流

刁白

送花

縱橫詩酒少年曾老矣追懽謝不能種出好花無用處

御選金詩

卷二

范中
王良臣

盧洵

刁白

許古

三

東隣乞與坐禪僧

許古

被召過少室

老病無堪合退休伊川久已得菟裘如今又上長安道
好被青山笑白頭

扇圖

雲壓溪塘小雪春融融和氣浥輕塵山禽共作梅花夢
物性由來懶是真

王良臣

狸奴畫軸

三生白老與烏負又現吳生小筆前乞與黃家襪鼠禍

莫教虛費買魚錢

雜詩

道人知我愛禪房
淨埽階前紫石牀
軟飽三杯風味好
脫巾和月卧昏黃

老子平生酷愛閒
天教行處得禪關
粥魚敲落簷頭月
猶在梅花醉夢間

殘陽收拾弟兄行
揀得機心不到鄉
安置小奴今夜夢
蘆花風細月如霜

蕎花

蕎花冉冉蜜脾香
禾穗纍纍鵲眼黃
一縷晚煙吹不去
爲誰着意護秋霜

御選金詩

卷二

王良臣

劉祖謙

十四

絕句

流轉年光橋下水
翻騰時態嶺頭雲
溪翁道號奇聾子
除却松風百不聞

劉祖謙

雅集圖

翠雀翩翩野鶴孤
玉京人物會仙圖
後來且莫輕題品
席上揮毫有大蘇

崆峒山圖爲橫溪翁賦

好奇仍有客相攜
絕頂披雲快一躋
三十六峰青似染
五年拄笏羨橫溪

獨占名山每羨渠
京塵今日汗吟鬚
西州十載經行處

惆悵雲煙是畫圖

劉鐸

春日

翠微深處幾人家風颺輕煙雨壓沙寒勒野桃開較晚
向陽纔有兩三花

所見

綸竿老子綠蓑衣細雨斜風一釣磯正是鄰家社醅熟
柳條穿得錦鱗歸

讀李訓鄭注傳二首

誰教闈宦作權臣肅代優游到敬文三子謀疎誰不道
泄機也合罪劉黃

御選金詩

卷二

劉鐸

王彧

董文甫

五

碁醫入侍本防猜偶失機權亦可哀陳竇至今佳傳在
莫從成敗論人材

王彧

荅國寶

幻人誰拙復誰能遊戲何妨傀儡棚凡事不堪君莫怪
儂家面目得人憎

禪頌

吾身非我底爲情說著塵勞特地驚五九盡時山更好
澗泉雲鳥自春聲

董文甫

秋夜

見即如無爐上雪淡而有味水中鹽齊行定慧千燈焰
淨識乾坤一鏡奩

晝眠

莊周先我復天真化蝶飛來管領春我亦莊周周亦蝶
不知若箇是真身

審是堂

按劍人人駭夜光蜀雞合道勝鸞凰飛蛾可是無分別
直道油燈是太陽

文中子續經

紛紛述作史才雄聽似秋來百草蟲不是春雷轟蟄窟
蚓蛇會得化成龍

御選金詩

卷二

董文甫

史肅

六

史肅

山陰縣

湧雲驅雨不成霖山徑危行未要深午夢初迴烏鳥樂
小亭斜日柳陰陰

過九里山

斷蛇扛鼎兩爭雄陳迹荒涼萬事空今日山前無過客
數株衰柳管秋風

放言二首

蓮社從來說陶遠竹林今不數山王家雞野鶩何須較
秋菊春蘭各自芳

清風明月無人管茶鼎薰爐與客同壯歲羞爲襜襖子

如今却羨嘯嚚翁

元德明

過鳳凰山

在鴈門

鳳凰聞說似天壇北去南來馬上看想得松聲滿巖谷
秋風無際海波寒

餅形嶺早發

在繁時界

海雲蕭瑟雪花乾人在羊腸百八盤閒客不知名利苦
見時應作畫中看

山園梨葉有青紅相半者戲作一詩

霜輕霜重偶然中一葉雖殊萬葉同不信世間閒草木
解隨兒女作青紅

御選金詩

卷二

元德明

七

貴公子詠

高堂紅燭鼓聲齊舞遍纖腰月未西一曲纏頭一雙錦
驂騮空自惜障泥

蓮葉觀音恩禪師所藏同路宣叔賦

瑞相分明一葉中華嚴性海共圓通補陀自有丹青變
畫史區區可得工

觀西巖張永淳畫鴈

慘淡經營下筆難畫成不似卷中看知君連夜江湖夢
折葦蕭蕭沙水寒

雪行

五更驢背滿靴霜殘雪離離草樹荒身在景中無句寫

錯教人比孟襄陽

龍眠畫馬

驪黃求馬世皆然滅沒存亡自一天當日鹽車人不識
只今空向畫中傳

寄宗人彥達

交城人

杯酒無緣接舊歡空將書尺問平安要君知我詩成處
落日西風正倚闌

楸樹

道邊楸樹老龍形社酒澆來漸有靈只恐等閒風雨夜
怒隨雷電上青冥

七夕

御選金詩

卷二

元德明

郝天挺

高憲

六

天河唯有鵲橋通萬劫歡緣一瞬中惆悵五更仙馭遠
寂寥雲幄掩秋風

郝天挺

交城學創修文廟

金碧煌煌梵刹雄元元樓觀五雲中如何萬代綱常祖
釋菜寧無數畝宮

高憲

元夕無燈

九陌無燈夜悄然小紅時見點春煙多情惟有梅梢月
拍酒樓頭照管絃

王特起

偶作

人情爭勝似爭碁死怕輸人一著遲黑白不分傍袖手
年來吾亦愛吾癡

絕句二首

山勢奔騰如逸馬水流委曲似驚蛇溪靈不欲露天巧
眼力未到雲先遮
鳥語留春春已迴落花隨意卧蒼苔清明寒食因循過
萱草薔薇次第開

下第

人間萬事等樗蒲敢謂何人不得盧勝負到頭俱偶爾
狂夫安用繞牀呼

御選金詩

卷二

王特起
趙元

劉光謙

孫鎮

充

劉光謙

寄陳正叔雷希顏

東南形勝古徐州人物休評第幾流
落落陳雷天下士故應連榻卧黃樓

孫鎮

許氏雙桂堂

許家二桂聯翩秀孫氏三枝次第春
盛事若將相比竝輸君堂上拜雙親

趙元

渡洛口

一脉寒流兩岸冰斷橋無力強支撐
忘機羨殺沙鷗好

不省人間有戰爭

田間秋日

好雨知時便放晴天和醞釀作西成秋收但得官軍飽
未怕輸租遠十程

禾穗纍纍豆角稠崧前村落太平秋熙熙多少豐年意
都在農家社案頭

皤翁偃僂負薪行稚子跳梁剥棗聲不似二姑忙更殺
晚春椎髻脫釵荆

送辛敬之東歸

風埃憔悴舊霜袍老去新詩價轉高橡栗漫山猶可煮
不須低首向兒曹

御選金詩

卷三 趙元

二十

文章無力命有在一點浩然天地間風雪滿頭人不識
又攜詩藁出西山

大暑

早雲飛火燎長空白日渾如隋甌中不到廣寒冰雪窟
扇頭能有幾多風

哀古道

山深道壞水縱橫怪得春來少客行不信天教人迹斷
水乾更遣蒺藜生

薛鼎臣罷登封

弄人鼓笛不相疑便著當場傀儡衣終日抱飢唯飲水
也和醉客一時歸

鼎臣材大夫宰登封有惠政今以例罷故有上句

張瓚

游棲巖寺

林表招人白塔明
竹間蘭芷石泉清
惠崇水墨西軒景
煙帶平蕪水帶城

呂中孚

小景

青蕪平野四圍山
山郭依依紫翠間
村遠路長人去少
一竿斜日酒旗閒

春月

柳塘漠漠暗啼鴉
一鏡晴飛玉有華
好是夜闌人不寐
半庭寒影在梨花

御選金詩

卷二

張瓚

呂中孚

三

水聲

長陂千頃碧淙淙
浪卷秋風過石砮
記得夜來愁聽處
一燈明滅照寒窗

雪

隨風拂拂玉花飄
入夜寒窗更寂寥
爐火已殘燈未燼
一簾疎竹白蕭蕭

梨花

等待清明得得芳
團枝晴雪煖生香
洗粧自有風流態
却笑紅深睡海棠

柳

風外絲絲裊綠煙
輕花初破不成綿
却嫌官路逢寒食

惱亂離愁似去年

王元節

青塚

環珮魂歸青塚月琵琶聲斷黑山秋漢家多少征西將
泉下相逢也合羞

與党世傑軍判丁亭會飲

望斷西州萬里家又將新火試新茶青油幕下成何事
兩見常山山杏花

李端甫

太白扇頭

巖冰澗雪謫仙才碧海騎鯨望不回今日霜降見遺像

御選金詩

卷二

王元節

李端甫

張著

三

飄然疑自月中來

張著

九日

雨沐天容霽欲流好山誇翠出墻頭黃花憔悴東籬晚
一段陶家冷淡秋

雨後

西風無意嫪纖雲掃盡千峰雨脚痕一片秋光清似水
家家空翠滿柴門

紫泉亭

西風禾黍半蒼黃滿眼秋山冷翠長一片白雲攜雨去
人家籬落伴斜陽

李澥

漫書

胸懷平日窗八達伎倆只今龜六藏唯有閒情如老菊
寒花自信晚能香

二老雪行圖

雪明萬仞鄴西山杖屨平生幾往還滿眼京塵空對畫
何時真似兩翁閒

秘書張監墨梅圖

張南人

眼中只有梅千樹不挂世間蜂蝶花十載江南春夢斷
至今清影在君家

燈下梅影

御選金詩

卷三

李澥

王中立

三

丁年夜坐眼如魚老矣而今不讀書牆角短檠還有用
瓦餅相對一枝疎

王中立

雜詩

獨跨蒼虬下太清春風萬里月華明因君感激爲君說
鑿破天機我也驚

雲葉粼粼皺碧空笙簫遞響入天風忽驚風浪耳邊急
不覺形神來世中

題裕之樂府後

常恨小山無後身元郎樂府更清新紅裙婢子那能曉
送與凌煙閣上人

寄閑閑公

寄語閑閑傲浪仙，枉將詩酒污天全。
黃塵遮斷來時路，不到蓬山五百年。

孫錡

望川亭

望川亭上望晴川，萬里風煙在眼前。
軒檻倚巖高幾許，去軒尺五是青天。

金全

夜過寶應驛

短篷風急雨聲多，濃墨堆雲水拍河。
坐久不聞鐘鼓報，向人數問夜如何。

御選金詩

卷二

王中立

孫錡

金全

雷發

三

劉仲游

溫泉

賜浴華清寵幸殊，溫泉水滑洗凝酥。
至今西蜀十一月，晝有楊妃出浴圖。

劉方叔

華清

廢宇傾垣不復新，開元輦道盡荆榛。
惟餘一派溫湯水，長與行人洗路塵。

雷發

退藏齋

陋室豈堪陋巷居，退藏天亦隱斯廬。
看山破廢工夫外，

一炷清香玩易書

御選金詩卷第二十

御選金詩

卷二十

雷發

三五

